

采芳隨筆卷十三

北平查 彬伯堃輯

卮子花淨品也卮酒器卮子象之故名俗作梔一名木丹
一名越桃一名鮮支一種花葉差大者謝康樂目為林
蘭山谷詩話云染卮子花六出雖香不濃郁山卮子花
八出一株可香一圃大抵高七八尺者花大如酒杯一
種花小而重臺一種小枝小葉小花高不盈尺酉陽雜
俎云相傳即西域蓓蔔花東坡稱為林間佛曾端伯以
為禪友三柳軒雜識以為禪客牡丹榮譽志以為花形
史曾文昭指為清淨身花經蓓蔔三品七命孟昶十月

宴芳林園有紅梔子花劉令嫺摘得同心梔子贈謝娘
唐杜少陵詩云梔子比衆木人間誠未多於身色有用
與道氣相和紅取風霜實青看雨露柯無情移得汝貴
在映江波劉夢得詩云蜀國花已盡越桃今又開色疑
瓊樹倚香似玉京來且賞同心處那憂別葉催佳人如
擬咏何必待寒梅施希聖句云不如山梔子却鮮結同
心何兆白云芙蓉十二池心漏蒼筤三千灌頂香宋曾
文昭肇詩云林蘭擅孤芳性與凡木異不受霜霰侵自
足中和氣欲知清淨身即此林蘭是梅溪詩云禪友何
時到遠從毘舍園妙香通鼻觀應悟佛根源誠齋詩云

樹恰人來短花將雪樣看孤姿妍外淨幽馥暑中寒有
朶簾瓶子無風忽鼻端如何山谷老只為賦山礬楊巽
齋詩云蒼荀標名自寶坊薰風開遍一庭霜閑來掃地
跣趺坐受用此花無盡香潘鄭臺詩云未說司花刻玉
工已知名與佛相同可憐結了薰風子依舊身歸色界
中朱泚真詩云一根曾寄小峯巒蒼荀清香水影寒玉
質自然無暑意更宜移就月中看僧北澗詩云一花分
六出十葉是重臺玉潔渾無玷金黃漫奪胎明李西涯
詩云抽黃媲白總稱才誰遣山栀入畫來似為詩家少
知己杜陵吟罷不曾開沈啓南蒼荀云雪魄冰花涼氣

清曲闌深處豔精神一鉤新月風牽影暗送嬌香入畫
庭吳匏庵畫梔子云此種為薝蔔名曾載佛書辦香凡
六出欲與雪花如豐坊題梔子花云金鴨香消夏日長
拋書高卧壯窓涼晚來驟雨山頭過梔子花開滿院香
葉初春題畫梔子花云花開六出玉無瑕薝蔔林中薝
蔔花重向畫圖參此案妙香不斷透窗紗王天保穀祥
薝蔔云六出吐奇葩風清香自遠樹如天竺林人在瑤
華館陳安卿淳詩云竹籬新結度濃香香處盈盈雪色
糝知是異方天竺種能來詩社攬新腸近時閨秀分宜
吳宜人鏡中見窗外梔子花詩云糝臺曉起拂青銅掩

映水姿帶露空枝葉別栽塵土外色香疑在有無中深
憐幻影蜂難近始信仙源路不通靈室何愁風雨妬朱
旛好護舊芳叢宋王梅溪點絳脣詞云毘舍遙遙異香
一炷馳名久妙馨希有鼻觀深參透問訊東來知是誰
先後稱仙友十花為偶近有西江守馬古洲最高樓詞
云花解笑冷淡不求知長是殿衆芳時鮮鮮秀頸磋圓
玉洛陽翠珮剪琉璃向人前迎茉莉送荼蘼幾欲把清
香換春色費多少黃金酬不得梅雨妬麥風欺細腰空
戀當時蕊同心猶結舊年枝謝家娘將遠寄待憑誰近
時陳其年蘇幕遮詞云玉羅鬆檀暈嫋朶朶同心開在

簾垂處茉莉閨蘭猶未乳早綻璫葩借與人消暑不禁
風時怯雨浴罷鬟偏摘向欄邊去翠帳陰陰宵未午月
黑花明凝得芳櫳曙又暗香詞云夜窗全黑被一株梳
子凝來通白拂水著烟輕裊風枝送香雪三十年前往
事曾記在康崇坊宅見小玉羅袂亭亭含笑趁涼摘今
夕重露滴總一任好花滿院狼藉暗巡花側不見羣痕
并鞋迹提起同心兩字人正隔銀牆千尺花在手誰戴
也碎按花擲

茉莉花狎品也一作抹厲一作沒利一作末利一作末麗

一作抹麗

謂能掩衆花也
本梵語無正字

佛書所謂鬘華晉書都人簪

柰花是也惟寶珠小荷花最貴四川有朱茉莉閩有紫

茉莉雷瓊有綠茉莉本如蔦蘿有黃茉莉名黃馨坡公
目為暗麝劉鋹呼為小南強曾端伯以為雅友張敏叔
以為遠客三柳軒雜識以為狎客花經茉莉二品八命
宋王民瞻庭珪詩云纖雲捲盡日西流人在瑤臺宴未
休王母欲歸香滿路曉風吹下玉搔頭火雲燒野葉聲
乾歷眼誰知玉蕊寒疑是羣仙來下降夜深時聽佩珊
珊逆鼻清香小不分冰肌一洗瘴江昏嶺頭未負春消

息恐是梅花欲返魂陶商翁句云海客園林珠樹木水
仙賓從玉簪裳錦挑每作紅絲縷蜂采湏成白蜜房劉
屏山詩云翠葉光如沃冰葩淡不粧一番秋早秀徹日
坐旁香色照祇園靜清回瘴海涼倘堪紉作佩老子欲
浮湘羅從彥願詩云鄆令風流太史家早知茉莉有奇
葩生嫌衆色空塵滓徧閱餘香見等差多謝珠璣來座
右好將根葉到天涯蜀江紅紫紛披後初看東南第一
花朱子詩云曠然塵慮盡為對夕花明密葉低層幄冰
粧亂玉英不因秋露濕詎識此香清預恐芳菲盡微吟
繞砌行又詩云玉蘂琅玕樹天香知見薰露寒清透骨

風定遠含芬致銷煩暑高情謝曉雲遙憐河朔飲那
得醉時聞梅溪詩云茉莉名佳花亦佳遠從佛國到中
華老來耻逐蠅頭利故向禪房覓此花石湖詩云千里
移根自海隅風帆破浪走天吳散花忽到毘邪室似欲
橫機試病夫燕寢香中暑氣清更煩雲鬢插瓊英明粧
暗麝俱傾國莫與礬仙品弟兄再賦二首云薰蒸沉水
意微茫全樹飛來爛熳香休向寒鴉看日影祇今飛燕
侍昭陽憶曾把酒泛湘灘茉莉球邊劈荔枝一笑相逢
雙玉樹花香如夢鬢如絲樓玫瑰詩云殘暑未盡秋欲
來玉刻萬葉瓊英開孤標雅韻一枝足江上紫翠空成

堆素娥常與明月約青女細把輕綃裁主人好事趁時
買買寘此地真宜哉牆間閒地方丈所幾年累甃裝層
臺春花秋卉方互發胡葵芍藥參徘徊眼明忽見此奇
絕弟畜素馨兄事梅夜深飛香性幽獨未許蜂蝶來相
陪糖甃封餘有閩玉會須掃取添花栽吾聞閩山千萬
木人或視此齊蒿萊何如航海上天闕玉石照映琉璃
杯新涼徙倚看不足坐見日影歆庭槐許梅屋隸詩云
荔枝鄉裏玲瓏雪來助長安一夏涼情味于人最濃處
夢回猶覺鬢邊香葉廷珪句云露華洗出通身白沉水
薰成換骨香又句云名字惟應佛書見根苗應逐賈胡

來鄭松窗詩云玉搓蓮子作尖丸龍腦薰香簇滿冠好
是瑩無紅一點若教紅却不堪看江奎詩云靈種傳聞
出越裳何人提挈上蠻航他年我若修花史列作人間
第一香雖無豔態驚羣目幸有清香壓九秋應是仙娥
宴歸去醉來掉下玉搔頭劉後村詩云一卉能薰一室
香炎天猶覺玉肌涼野人不敢煩天女自折瓊枝置枕
旁鄭亨仲詩云小錨移根帶薜蘿暑中相對亦佳哉素
英吐處祇如玉清思牽人全似梅淺綠翦羅和葉看真
香擣麝逐風來觀君可與醪醑並高士寧容俗子陪許
雪野句云自是天上冰雪種占盡人間富貴香不煩鼻

觀偷馥郁解使心地俱清涼徐千里詩云炎州綠女雪
為肌十二朱欄月未移香逼簾紋眠不得為渠醒過打
鐘時趙福元詩云刻玉雕瓊作小葩清姿原不受鉛華
西風偷得餘香去分與秋城無限花楊巽齋詩云臍麝
龍涎韻不侔薰風移種自南州誰家浴罷臨粧女愛把
閒花插滿頭王右丞詩云歌煙裊露暗香濃曾記瑤臺
月下逢萬里春回人寂寞玉顏知復為誰容香嚴童子
沉薰鼻姑射仙人雪作膚誰向天涯收落蘂發君顏色
四時朱百氏集詩云風流不肖逐春光削玉團酥素淡
粧疑是化人天上至毘那一夜滿城香明皇甫子循訪

詩云萼密聊承葉藤輕易繞枝素華堪飾鬢爭趁晚粧
時香慣臨風細花偏映日生若將人試擬小玉定齊名
唐子畏詩云春困無端壓黛眉梳成鬆鬢出簾遲手拈
茉莉猩紅朶欲插逢人問可宜陳如愚詩云茉莉開時
香滿枝鈿花狼籍玉象差茗杯初歇香烟燼此味黃昏
我獨知沈氏宜修茉莉云如許閒宵似廣寒翠叢倒影
浸冰團梅花宜冷君宜熱一樣香魂兩樣看近時吳梅
村詩云剪雪裁冰莫浪猜玉人纖手摘將來新泉浸後
香恆滿細縷穿成蕊半開愛玩晚涼宜小立護持隔歲
為親栽一枝點染東風裏好與新粧報鏡臺王太平遵

坦詩云海船仙人玉鍊顏翠莖雪朶見幽閒香為體骨
濃華外韻在風情澹素間袖底掩藏俄並座簪頭芬馥
久沾鬟名園總有千株在白傅新題只小蠻王西樵詩
云冰雪為容玉作胎柔情合傍瑣窓隈香從清夢回時
覺花向美人頭上開家初白詩云位置覓盆手自親暑
風香透色如銀暫歸我已家如客還與南花作主人田
樂園詩云蕊珠作佩素衣孃新逐南船到北方別有風
情耽日暮流蘇帳掩送人香又索茉莉詩云滿院凡花
恨不香看他蛺蝶亦炎涼朝來俱過竹籬去定在階西
司馬堂朱西畯題畫竝頭茉莉詩云細細香風入綺櫳

柰花竝綴玉玲瓏夜涼未伴釵頭燕先絡紅珠斗帳中
寫生自昔數崔徐茉莉雙頭譜未書解作花枝帶雨露
禹鴻臚面有誰如陳左源學洙詩云玉骨冰肌耐暑天
移根遠自過江船山塘日日花成市園客家家雪滿田
新浴最宜纖手摘半開偏得美人憐銀牀驚醒香何處
只在釵橫髻驪邊錢香樹詩云此物豈忘憂炎風半晌
稠與蘭添勝婢近枕亦溫柔膩粉明雙鬢奇香上小樓
生衣庭際立為爾試茶甌杭大宗詩云風鬟斜綰一窩
香曾錫嘉名侍漢王得句水仙仙閣外晚雲涼雨忽分
將數朶幽芬露漸滋晚窻小摘覆冰甃無端喚醒宵來

夢髣髴羅襟乍解時。虛堂先借竹簾遮。玉蕊商量未放
花。贏得越甌香不散。為君蒸透火前茶。錢稼軒詩云。嶺
外移根得階前。琢玉成。每勞纖手摘簪上。綠雲明。苞向
宵分放。香從夢裏清。盆中休盡采。留伴坐深更。又題畫
茉莉詩云。日裏含苞日夕芬。氣多郁烈異爐熏。惟應梳
子堪相並。結得同心臭不分。張蓉湖戲催茉莉花開云。
點點珠叢逗碧簾。惜花閑煞豔陽天。素英幾日開晴雪。
綠萼當庭聚小蓮。粉蝶弄鬚愁未得。玉人彈拍見猶憐。
幽魂冷豔分明在。還趁東風好處牽。又詩云。抹厲奇名
異何年。紀洛陽焙茶春日。盛飾髻佛家粧。遠客當軒麗。